

JOU 4

MESAJE
VERITE A

JAN 9
JEZI





JOU 4 - ANALIZ JENERAL AK SESYON ENTWODIKSYON

Byenvini: Lè w'ap akeyi timoun yo nan premye jou lekòl biblik vakans mesaje Pou Jezi yo, w'ap genyen privilèj pou w' kreye yon anbyans pou yon semèn sipriz. Youn nan bon fason pou timoun yo konprann ke lekòl biblik vakans lan ap kòmanse, se nan repwodiksyon chan prensipal Mesaje Pou Jezi yo, oubyen kèk nan lòt chan ki te konpoze pou lekòl biblik vakans yo.

Salitasyon: Pran yon ti tan pou w' di timoun yo byenvini, pandan w'ap di kijan w' kontan dèske yo vini. Prezante tèt ou, prezante lidè chak depatman yo, chak volontè ak manm pèsònèl yo.

Lapriyè Entwodiksyon: Envite Kris nan lekòl biblik ou a atravè lapriyè pandan w'ap kòmanse chak sesyon. Bat pou chak swa se yon moun diferan ki fè lapriyè sa.

Tèm Ak Fondman Biblik Mesaje Pou Jezi Yo: Prezante tèm prensipal lekòl biblik la. Di timoun yo ke semèn sa yo pral aprann osijè de plizyè mesaje diferan ke Jezi itilize yon fason pou ede yo aprann plis de Li, epi kòman yo menm tou yo kapab vin tounen mesaje pou Jezi. Sa se pral yon moman espesyal tou pou prezante yo pasaj biblik ki pral itilize kòm fondman mesaje Pou Jezi yo, 2 Korentyen 5:20a, "Konsa, nou se anbasadè pou Kris".

Tèm Jounalye Ak Baz Biblik: Pataje tèm Jou 4 avèk timoun yo ki di: Mesaje verite nou yo, menm jan ak baz biblik jou 4 ki se: Jezi.

Adorasyon Atravè Kantik: Apre w' fin prezante tèm jounalye a avèk baz biblik la, sa se yon moman espesyal pou w' fè timoun yo louwe ak adore. Tou depann de kantite tan ke w' genyen, si w' chante de kantik mesaje pou Jezi yo ansanm ak timoun yo se ap yon bon fason pou w' ede yo santi yo kontan nan kòmansman lekòl biblik la.

Sketch Pou Entwodiksyon An: Pran yon ti tan pou w' prezante sketch entwodiksyon an pandan w'ap fè lekti sa: Mesaje Jezi yo genyen yon mesaj byen enpòtan pou nou jodi a. Yo vle rakonte nou kilès Jezi ye ak pou ki rezon ke Li vle pou nou chak vin tounen mesaje pou Li tou. Nan chak sesyon lekòl biblik la, n'ap konnen youn nan mesaje Jezi yo epi nou pral tandè mesaje ke yo chak te resevwa lòd pou bay. Mesaje Jezi yo travay anba kontwòl Katyemèt, li menm ki la pou distribye sèvis bay mesaje pou Jezi yo. Lè genyen yon mesaj enpòtan ki dwe anonse, sèvis mesaje pou Jezi yo pa genyen konparezon! Jodi a nou retounen rankontre ak Katyemèt epi nou pral rekonèt Emisè. Emisè gen yon kè ki santre sou Jezi epi genyen pasyon pou l bay mond lan Verite Jezi a. Nou dwe mete tout atansyon nou nan Katyemèt ak Emisè pou nou koute mesaj enpòtan ke yo genyen pou ban nou jodi a.

Pwojè Ofrann Misyonè: Prezante pwojè Ofrann misyonè Timoun yo ki gen pou wè ak ane sa. Ou kapab pwofite moman sa pou w' ranmase ofrann ke timoun yo te pote yo.

Konklizyon Sesyon Entwodiksyon An: Avan w' voye timoun yo al pran plas yo nan depatman lekòl biblik la, fè yo chante youn nan kantik Mesaje pou Jezi yo yon lòt fwa ankò, ofri yon lapriyè envokasyon, oubyen fè tou de bagay yo.

JOU 4 - SKETCH ENTWODIKSYON



JOU 4 - SKETCH ENTWODIKSYON - EMISE - MESAJE POU JEZI!!

Sketch entwodiksyon pou Mesaje Jezi yo te kreye nan lide pou prezante tèm ak istwa bibliik jounalye yo bay timoun yo. Yo pral sèvi tou pou fè timoun yo patisipe nan chak evènman. Paj obsèvasyon jeneral ak sesyon entwodiksyon an, ni nan gid direktè tankou nan gid lidè a, genyen yon entwodiksyon pou chak sketch. Li entwodiksyon sa anvan chak sketch.

Prepare Sèn Nan

Chak skit chak jou pran plas nan biwo Kòmand Santral mesaje yo pou sèvis livrezon Jezi ki se Kris la. Sèvis livrezon sa a espesyalize nan delivre mesaj ki trè enpòtan pou Jezi. Li se yon bagay ki byen kouran pa pa mwayen Katye mèt la. W'ap toujou jwenn Katye mèt la ap travay di nan biwo prensipal Kòmand Santral la. Sa a se kote yo resevwa tout mesaj ki enpòtan yo.

Sketch Entwodiksyon

Nan kòmansman Jou 4, Katyemèt la byen okipe nan travay li nan Kòmman Santral la lè li tande son yon mesaj ki antre pou li anonse (chwazi yon son ki pou sèvi pou reprezante alam Sèvis mesaj ki antre yo; li kapab son telefòn ou oubyen nenpòt kalite son ki kapab kapte atansyon timoun yo). Alam nan ap fè Katyemèt la konnen ke li resevwa yon mesaj enpòtan. Katyemèt la reponn alam nan.

Katyemèt – (Li ta bon pou Katyemèt ta genyen kas, men w'ap kapab itilize nenpòt kalite telefòn. Sèn nan kòmanse yon fwa Katyemèt reponn apèl la lè li fin tande son alam nan). W'ap kominike avèk Sèvis Remisyon Mesaje pou Jezi yo. Mesaj ou a se pi gwo priyorite nou. Se Katyemèt la k'ap pale avèk ou la, kòman mwen kapab ede w'? (Katyemèt la dwe koute moun k'ap pale nan lòt liy nan avèk anpil atansyon). Wi, mwen konprann. (Katyemèt la dwe ekri mesaj la nan yon kaye oubyen, nan yon òdinatè). Sa se tout? Trè byen. Mwen pral voye mesaj sa kounye a. Mwen genyen moun ki ka fè travay sa byen (Katyemèt la mete fen ak apèl la apre sa li pale avèk Emisè. Ou kapab fè Katyemèt itilize menm telefòn nan oubyen li kapab itilize lòt mwayen ki sèvi pou sistèm kominikasyon entèn). Atansyon, Emisè. Tanpri, peye prezans ou nan Kòmman Santral la.

Emisè – (Aprè yon ti tan, Emisè antre nan sèn nan) Emisè la pou sèvis ou.

Katyemèt – Emisè, mwen genyen yon mesaj enpòtan ki mande yon kalite remisyon espesyal.

Emisè – Mwen santi mwen fyè dèske w te panse avèk mwen. Rakonte m plis osijè de mesaj sa.

Katyemèt – Yo t ap itilize yon nouvo medikaman nan plizyè klinik veterinè, li menm ki ede nan fè zye yo wè pi byen.

Emisè – Sanble se yon medikaman enpòtan.

Katyemèt – Wi, se yon dekouvèt enpresyonan.

Emisè – Ebyen kijan koze a ye menm. ?

Katyemèt – Youn nan klinik yo te resevwa vizit yon ti zwazo ki rele Sara, li menm ki pat kapab wè trè byen. Sara te popilè anpil akoz li te konn vole akote enkòrèk nyaj yo, li pèdi ekilib epi frape kont fenèt ki fèmèn, epi de tanzantan li kòmanse ap frape kont gwo kay yo.

Emisè – Podyab. Daprè mwen, Sara bezwen yon pati nan medikaman sa.

Katyemèt – Wi, definitivman li bezwen yon bagay ki pou amelyore vizyon li. Men jouskaprezan, medikaman sa sèlman itilize pou ede zwazo ki pa genyen gwo pwoblèm vizyon yo. Pèsòn pat panse ke li ta gen pou fonksyone avèk zwazo ki genyen vizyon tèlman pa bon.

Emisè – Ebyen, èske yo te bay Sara medikaman?

Katyemèt – Nan kòmansman, yo pat vle ba li l. Yo pat panse ke li t'ap kapab ede li epi yo te pè pou yo pat fè li vin pi grav. Men devine yon bagay?

Emisè – Kisa?



DAY 4 - OPENING SKIT

Katyemèt – Sara te konvenk yo pou yo te ba li yon ti medikaman, epi lè yo te fè l konsa, genyen yon bagay enpresyonan ki te pase.

Emisè – Kisa ki te pase?

Katyemèt – Kounye a Sara kapab wè san okenn pwoblèm.

Emisè – Sa se yon bagay enpresyonan vre.

Katyemèt – Wi, wi se konsa. Men, genyen yon pwoblèm.

Emisè – Ki pwoblèm li ye?

Katyemèt – Lè Sara retounen nan vil kote li te fèt la, li rakonte tout zwazo ke kounye a li te kapab wè byen, lòt zwazo yo te montre yo byen sispèk. Genyen kèk pami yo ki te panse ke se pat menm zwazo a. Genyen anpil lòt ki te panse ke petèt Sara pat janm genyen okenn pwoblèm vizyon vre.

Emisè – Èske w vle di mwen ke yo te panse ke se fòse Sara t ap fòse di ke li malad nan zye? èske yo te panse ke Sara t ap plede frape kò li nan gwo kay yo pa eksprè?

Katyemèt – Se sa menm.

Emisè – Sa fè mwen sonje yon istwa nan Bib la ke mwen fenk sot koute.

Katyemèt – Ki istwa sa?

Emisè – Se osijè de yon nonm ki te avèg depi li fèt. Yon jou, Jezi te rive nan vil li a epi geri li. Men, genyen kèk nan lidè relijye yo ki pat renmen Jezi, yo pat vle kwè ke nonm nan te geri vre. Paran li yo te di lidè yo ke pitit yo a te avèg depi lè li te fèt epi kounye a li te kapab wè. Men, lidè yo pat kontan.

Katyemèt – Ala de koze.

Emisè – Wi. Epi olye pou yo te fete ansanm avèk nonm nan, yo te kòmanse ap di ke si nonm nan te geri vre, Jezi pat dwe fè gerizon an nan jou repo a.

Katyemèt – Sanble ke lidè sa yo te plis enterese pou règ yo ke selebre mirak ke Jezi te fè a.

Emisè – Se sa menm. Lidè relijye yo te kòmanse di ke Jezi se yon pechè. Finalman, nonm nan pat ka sipòte yo ankò. Bib la di ke li te di lidè relijye yo konsa, "Si (Jezi) se pechè, mwen pa konnen (...)Yon sèl bagay ke mwen konnen, se ke mwen te avèg epi kounye a mwen wè!"

Katyemèt – Ou konnen yon bagay, Emisè?

Emisè – Kisa?

Katyemèt – Mesaj ke mwen vle bay la sanble ak sa nonm nan te di lidè relijye yo nan istwa biblika la.

Emisè – Kòman sa?

Katyemèt – Mwen apèn sot resevwa yon apèl ke youn nan doktè k ap travay nan devlopman nouvo medikaman yo. Doktè sa genyen prèv de sa ke Sara te rakonte di li geri a se verite, epi li bezwen pou w bay mesaj sa ak moun ki pa kwè ke li te geri yo.

Emisè – Se pral yon lonè pou m bay mesaj sa. Mwen prale kounye a menm (Emisè fè byen vit pou l kite sèn nan.)

Lidè – Wow! Ala yon istwa tèlman enteresan ki pale de ti zwazo sa. Mwen espere ke mesaj Emisè pral bay la ede lòt yo kwè ke Sara te geri tout bon vre. Lè nou retounen rasanble ankò nan sesyon konklizyon an, nou pral wè Katyemèt ak Emisè pou nou konnen sa ki te pase.

JOU 4 - SESYON KONKLIZYON



SESYON KONKLIZYON

Byenvini: Lè timoun yo retounen pou sesyon konklizyon an, mande lidè mizik ou a pou l' fè timoun yo chante youn nan chan Mesaje pou Jezi yo.

Salitasyon: Di timoun yo byenvini yon lòt fwa ankò. Pran yon ti moman pou w' repase istwa biblik Jou 4 ansanm avèk timoun yo: Mesaje Verite a epi poze timoun yo kèk kesyon ki enpòtan sou leson an. Ou kapab mande youn nan timoun yo resite vèsè memwa Jou 4 la, Sòm 66:16, oubyen tèm Jou 4 la: Mesaje Verite a.

Sketch Konklizyon an: Prezante sketch konklizyon an (aprè sa) li sa: pandan tout semèn sa, n ap swiv evènman Sèvis Remisyon Mesaj pou Jezi yo. Se la n'ap jwenn katyemèt la ak mesaje li yo, yo menm k'ap akonpli apèl yo kòm mesaje pou Jezi. Dènye fwa ke nou te wè Emisè, li te sou wout pou l ale bay yon mesaj enpotan. Menm jan avèk nonm avèg ke Jezi te geri nan istwa jodi a, te genyen yon ti zwazo ki te vin wè gras ak yon nouvo medikaman. Pou kèk motif, pèsòn pat kwè li. Sepandan, Katyemèt te resevwa yon apèl ki te konfime ke sa Sara t ap di a se te verite. Sa se te mesaj ke Emisè te dwe bay la. Ann gade si tout bagay te byen pase.

Pwojè Ofrann Misyonè: Ankouraje timoun yo pale ak zanmi ak fanmi yo osijè de sa yo te aprann sou pwojè Ofrann Misyonè Timoun k'ap atenn lòt Timoun yo.

Fen Sesyon konklizyon an: Pi bon fason pou nou mete fen ak yon sware lekòl biblik se pandan n'ap chante yon kantik. Aprè kantik la, pran yon ti tan ankò pou w' pataje tèm nan ak leson kle ki te anseye yo ansanm ak timoun yo pandan jounen an. Fè pase nenpòt anons enpòtan ni pou timoun yo tankou lidè yo. Mete fen pa mwayen lapriyè.

**JEZI SE MESAJE
VERITE A!**



JOU 4 - SKETCH KONKLIZYON

JOU 4 - SKETCH KONKLIZYON - EMISÈ: MESAJE POU JEZI!

Sketch konklizyon mesaje pou Jezi yo fèt nan lide pou ede timoun yo repase tèm nan, istwa biblik ak lòt eleman yo ak leson enpòtan chak jou yo. Sesyon konklizyon pou lekòl biblik chak jou a twouve li ni nan gid direktè a menm jan ak nan gid Lidè a ki genyen yon entwodiksyon ki dwe li avan chak sketch konklizyon.

Prepare Sèn Nan

Chak sketch chak jou yo dwe fèt nan Biwo Kòmman Santral Sèvis Remisyon Mesaje Pou Jezi yo. Sèvis remisyon sa yo sou responsablite Katyemèt la epi li la pou bay mesaj ki enpòtan pou Jezi yo. Nan Kòmmanman sketch konklizyon jou 2, Katyemèt la byen okipe nan travay Kòmman Santral la, lè Anonsè retounen pou remèt mesaj Jezi a.

Sketch Konklizyon

Emisè – (Emisè antre nan sèn nan), Ala yon pwogrè tèlman mèvèye!

Katyemèt – Èske w te kapab jwenn Sara epi bay mesaj la?

Emisè – Wi, mwen te kapab jwenn li; epi mwen te bay mesaj la.

Katyemèt – Ebyen, kijan sa te pase menm? Èske lòt ti zwazo yo rann yo kont ke Sara te bay verite?

Emisè – Bon, genyen kèk pami yo ki te rann yo kont. Men malerezman, genyen plizyè lòt ki pat rann yo kont de sa.

Katyemèt – Rakonte mwen plis bagay.

Emisè – Lè mwen te rankontre avèk Sara, mwen di li ke doktè a te rele nou. Mwen di li ke doktè a te bay prèv ki klè ke zye li te geri. Epi èske w konnen sa Sara fè?

Katyemèt – Kisa?

Emisè – Apre li fin di mwen mèsè pou mesaj la, li menm te mande mwen si mwen te pataje mesaj doktè a, li konnen ke genyen kèk pami zwazo yo ki pat kwè epi gen lòt ki te kontinye ap doute. Men sa pat mele li si yo te kwè oubyen non, sa ki enpòtan se ke li menm li konnen verite a. Li konnen ke se Bondye ki te geri li epi kounye a li te kapab wè! Li konnen ke se Bondye ki te geri li atravè medikaman doktè yo, se menm jan ke Jezi te geri nonm avèg la! Li konnen ke se te verite paske li te kapab wè syèl ble a, solèy dore, ak tout zanmi ak fanmi li yo pibyen pase avan. Se sa ki enpòtan reyèlman.

Katyemèt – Wow! Sara te konprann ke se sèlman sa ki enpòtan. Li sanble ak nonm nan istwa biblik la anpil. Nonm nan istwa a te konnen ke, zafè moun ki te vle kwè li oubyen non, sèlman li te avèg, men kounye a li te kapab wè.

Emisè – Se byen. Men, èske w konnen kisa Sara fè apre sa?

Katyemèt – Kisa?

Emisè – Li siyen yon kontra avèk nou pou nou bay yon mesaj. Li vle pou nou bay doktè a avèk ekip li a yon mesaj. Sara vle di yo mèsè dèske yo te kreye bon medikaman sa.

Katyemèt – Sara vin plis sanble ak nonm istwa a. Nonm nan istwa a te konnen ke Jezi te geri li epi li te konnen ke se te gras ak pouvwa Bondye nan Jezi. Li te kontan paske atravè mirak la li te aprann osijè de kimoun Jezi te ye. Jezi se te Mesaje Verite a.

Emisè – Katyemèt, èske w ban mwen pèmisyon pou m bay doktè yo dezyèm mesaj sa?

Katyemèt – Wi monchè! (Emisè kite sèn nan.)

Lidè – Ala yon gwo nouvèl! Sara pat sèlman kapab wè pi byen pase avan, men tou li ta kapab wè sa ki pi enpòtan reyèlman. Epi si menm jan Katyemèt te di nou an, se menm verite a osijè de Jezi ak mesaj ke Li genyen pou nou avèk tout mond lan.

JOU 4 - ISTWA BIBLIK



JEZI - JAN 9 - MESAJE VERITE A

Preparasyon Pou Lidè Istwa Biblik La

Enfòmasyon sa la nan lide pou ede lidè Istwa Biblik la prepare l' pou pataje istwa jounen an avèk timoun yo. Lè timoun yo tande istwa biblik la, yo resevwa plis pase yon istwa; yo tande yon mesaj ki enpòtan pou yo. Li pasaj ak enfòmasyon w ap jwenn aprè yo.

Timoun yo ap viv nan yon tan ki pote anpil konfizyon. Genyen anpil vwa ki deklare ke laverite se yon bagay ki relatif oubyen tousenpleman li pa egziste. Sepandan, Bib la pale klè osijè de verite a. Jezi te toujou pale laverite. Jezi te yon Mesaje Verite a atravè Pawòl avèk aksyon li yo. Lè Pilat te poze Jezi kesyon pou mande li kilès Li te ye ak poukisa lidè relijye jwif yo te kondane li, Jezi te di konsa, "Se pou sa mwen te fèt, epi se poutèt sa mwen vini nan mond lan: pou bay temwayaj de verite a" (Jan 18:37, NVE). Li te pataje misyon li a lè li te di disip li yo konsa, "Mwen se chemen an, verite a ak lavi a (...) Pèsòn pap rive al jwenn Papa a si li pa pase pa mwen menm" (Jan 14:6, NVE).

Nan konfwontasyon li avèk lidè relijye jwif yo lè li te fin geri nonm avèg la, Jezi di yo konsa, "Mwen se limyè mond lan. Moun k ap swiv mwen pap mache nan fènwa, okontrè, l ap gen limyè lavi a" (Jan 8:12, NVE).

Verite a pote limyè, epi vrè limyè a klere totalman. Limyè ki byen klere a nwi nou lè je nou yo abiye ak fènwa. Limyè verite ki revele nan Jezi a dekouvri peche ki nan kè moun yo, ki kreye yon konsyans inevitab osijè de peche y ap komèt yo, lawont ak separasyon yo ak Bondye. Poutan, ant limyè verite nan Kris la avèk fènwa espirityèl ke n ap viv la tèlman parèt klè ke menm koze pran konsyans lan vin fè nou mal souvan pafwa. Pafwa li tèlman fè mal, nou pa kapab inyore li, men, kisa nou kapab fè ak sa?

Repons lidè jwif yo se te tante elimine limyè a, etèn li. Gen anpil lòt ki te tante kache pou limyè a pat klere yo, pandan y ap di ke pa genyen okenn verite ki egziste vre, ke Jezi pa genyen verite absolwi a epi se pa sèl chemen pou rive jwenn Bondye, oubyen plede ap di ke Bondye pa egziste vre! Repons sa menm bay plis fènwa kòm rezilta.

Lòt repons lan se rekonèt peche nou yo epi mache pou antre nan limyè a. Lè nou konnen Jezi, sous limyè ak verite a, peche nou yo va resevwa padon, fènwa a bay limyè a plas li a, epi nwit espirityèl la vin konvèti an jou ki pap janm fini avèk prezans Bondye a. Sa posib sèlman atravè verite a, lanmou ak limyè Bondye ki revele nan Jezikris. Se poutèt sa ke Jezi te di ke li se sèl chemen ki mennen al jwenn Papa a...epi sa kontinye kòm verite a jouk jounen jodi a!

Konprann avègman espirityèl la se kle pou nou konprann rezon ki fè ke farizyen yo pat kapab wè verite ak limyè ke Jezi t ap pwoklame a. Kòm egzanp, nonm avèg la, li menm ki te konsidere kòm modi akòz de peche depi nesans li, li te resevwa vizyon fizik ak espirityèl. Sa se te yon gwo mirak ki te pase atravè gras Bondye. Se yon leson ke nou tout dwe sonje nan gade sou laj ke nou genyen.

Istwa--Jezi: Mesaje Verite A - Jan 9

Pèsonaj biblik katriyèm jou a se Jezi. Li te Pitit Bondye a, sa siyifi ke avèk epi atravè Papa l, Li te kapab fè bagay ki enkwayab ak espesyal. Kèk nan bagay sa yo ke Li te fè pandan lavi sou tè sa yo te rele "mirak".

Li Jan 9:1-7

Nonm nan te fèt tou avèg. Malgre kwayans komen ki te egziste nan epòk li a, avègman li a se pat rezilta peche li oubyen peche paran li yo. Avègman nonm nan te bay yon opòtinite pou ke Jezi te fè yon mirak epi revele verite a osijè de Idantite li.



JOU 4 - ISTWA BIBLIK

Li Jan 9:8-12

Mirak ki te fèt nan istwa sa te tèlman enpresyonan, li te difisil pou anpil moun ki te la kwè ke se te verite. Lè gen mirak ki fèt nan mond nou an, anpil fwa li difisil pou nou kwè ke sa ki pase a se yon bagay reyèl.

Li Jan 9:13-25

Farizyen yo nan istwa a se te moun ki te byen antrene kòm lidè relijye. Sa siyifi ke yo te etidye non sèlman pawòl la, men tou, yo te etidye tout lwa jwif ki te egziste nan epòk yo a. Avèk tout edikasyon sa yo osijè de Pawòl la, yo te dwe rekonèt gerizon sa kòm yon mirak ki soti nan Bondye. Men, lè yo te refize rekonèt gerizon nonm avèg la kòm yon mirak, ni kwè nan verite osijè de Jezi a, yo te demontre ke yo te avèg fas ak sa ke Bondye t ap fè atravè Jezi yo. Avègman sa fas ak zèv Bondye yo nan mond nou an tou fè ke moun yo pa kapab wè verite a jodi a.

Kòm diferans de farizyen yo, nonm avèg ki te geri a pat genyen dout osijè de verite a oubyen osijè de sa ki te pase a. Li te reponn, "Si se pechè, mwen pa konnen (...). Sèl bagay mwen konnen, se ke mwen te avèg epi kounye a mwen wè" (Jan 9:25)

Li Jan 9:35-41

Se pat yon sipriz pou Jezi lè farizyen yo pat kwè istwa nonm avèg la. Lè Jezi te rankontre ak nonm ke li te geri a, li mande li "èske w kwè nan Pitit lòm nan?" Tèm sa, "Pitit lòm nan" se te fason ke Jezi te fè nou konnen ke se Limenm ki te Mesi a, Sovè ki te pwomèt la ak Pitit Bondye a. Nonm ki te avèg la te reponn li di, "Mwen kwè, Seyè" epi menm kote a li te geri de avègman espiyèl li a. Sepandan, farizyen yo pat kwè nan sa ke Jezi te di ak fè yo. Se poutèt sa ke yo pat kapab wè ke Jezi se mesaje Bondye ki te pote verite ak lavi ki pap janm fini an pou yo ak rès mond lan.

Kisa nou te aprann nan istwa jodi a?

Mande timoun yo – Kimoun ki kapab site yon bagay nouvo ke li te aprann nan istwa jodi a?

Di timoun yo - Lè mwen aplodi avèk menm mwen, mwen vle pou nou tout rete trankil, fèmen je nou epi kite li fèmen jouskaske mwen aplodi ankò (aplodi epi rete tann 20-30 segond avan pou w tounen aplodi). Èske nou imajine nou jan sa dwe difisil pou yon moun pase tout lavi li san li pa kapab wè? Konbyen sa difisil pou li jwenn yon bagay li ki pèdi...oubyen menm konnen si li pèdi yon bagay? Se konsa avègman espiyèl la ye. Genyen anpil moun ki pa menm rann yo kont si yo avèg espiyèlman paske yo toujou ap viv nan fènwa espiyèl!

Di timoun yo - Jezi te geri avègman fizik nonm nan epi li te geri avègman espiyèl li a tou. Kòman avègman espiyèl nonm nan te fè geri? Pou ki rezon avègman espiyèl farizyen yo pat jwenn gerizon?

Mande timoun yo – Kimoun Jezi te di Li ye? (Kite timoun yo reponn).

Mande timoun yo – Jezi te di ke Li se Pitit lòm nan. Sa se yon lòt fason pou Li te di ke Li se Bondye epi lòm tou. Kòm Bondye, tout sa ke Jezi te di ak fè, se te pou ede nou konnen verite a. Lè moun sa yo tankou farizyen yo pat kwè ke Jezi te Bondye, yo te refize kwè ke sa ke Jezi te di ak fè se te pou anseye nou osijè de Bondye.

Di timoun yo - Jounen jodi a genyen anpil mesaj ak mesaje twouble. Anpil ladan yo vle pou nou kwè nan bagay ki pa bon pou lavi nou. Men, Jezi se mesaje verite a. Lè nou koute pawòl Jezi yo oubyen li osijè de sa ke li te fè yo, nou kapab kwè ke se verite. Epi lè nou chwazi kwè ke Jezi se mesaje verite a, Li va ede nou konprann verite a pi plis chak jou, epi li va ede nou konnen kisa nou dwe fè ak kòman pou nou viv.

JOU 4 - VÈSÈ POU APRANN



JOU 4 - VÈSÈ POU APRANN - MESAJ NAN KÈ MWEN - SÒM 66:16

Lekòl Biblik Vakans Mesaje Pou Jezi yo - Mesaj Nan kè Mwen - Analiz Jeneral ak Enfòmasyon Pou Lidè a Pawòl Bondye a se mesaj Bondye pou disip li yo. Lè pitit Bondye yo gade Pawòl Bondye nan kè yo, memorize pawòl la, yo ranpli kè yo avèk direksyon ak lanmou Bondye a. Yo menm tou yo ranpli kè yo avèk mesaj Bondye a pou yo kapab vin mesaje Bondye devan mond lan.

Jou 4 - Vèsè Pou Aprann - Sòm 66:16

Tèm katriyèm jou lekòl biblik vakans lan se Mesaje Verite a. Nan yon mond ki plen ak mesaj konfizyon, nou kapab toujou jwenn verite Jezi a. Yon gran pati nan pataje mesaj verite Jezi a se lè nou rakonte lòt yo sa ke Jezi fè pou nou. Timoun yo dwe ankouraje pou konnen ke pouvwa Bondye ap travay nan lavi yo epi pare pou pataje eksperyans yo avèk lòt moun. Vèsè biblik pou aprann jodi a se (Sòm 66:16) ki pral santre sou ede timoun yo pataje ak pwochen yo sa Jezi fè pou yo.

Sòm 66:16 (NVE) – “Vini non, noun menm ki genyen krentif pou Bondye, koute byen, mwen pral rakonte nou sa li fè pou mwen.”

Reyalize fè reyapantisaj vèsè a enteresan ap itil anpil pou timoun yo kapab kenbe Pawòl Bondye a nan kè yo. Yon fason pou sa rive reyalize, se nan ajoute aksyon nan dewoulman aprantisaj la. Asireman, repete mo yo tankou yon jako repèt pa tèlman enpòtan si li pa akonpanye ak konpreyansyon, konsa li enpòtan pou nou chwazi aksyon ki gen pou wè ak konpreyansyon. Resite vèsè a pa bout, pandan w'ap sèvi avèk aksyon sa yo:

“Vini Non” Mande pou timoun yo rele di pawòl sa avèk yon men yo nan chak bò bouch yo, “Se mwen! Se mwen!”

“Koute byen, mwen pral rakonte nou sa li fè pou mwen”

Lè timoun yo fin resite dènye pati vèsè a, y ap genyen bèl opòtinite pou yo rakonte yon moun sa Bondye te fè pou yo. Pran yon ti tan pou w pèmèt timoun yo panse kijan Bondye beni yo. Esplike yo ke lè yo rakonte lòt yo osijè de benediksyon sa yo, y ap reponn ak apèl Jezi a pou yo vin Mesaje Verite a.




JOU 4 - ATIZANA

JOU 4 - ATIZANA - ZAM VERITE A!

Atizana pou jounen jodi a bay yon opòtinite pou ranfòse tèm jounen an, Mesaje Verite a. Jodi a timoun yo te aprann ke Jezi se Mesaje Verite a. Nan yon mond ki ranpli ak mesaj konfizyon, timoun yo kapab mete konfyans yo nan sa ke Bib la anseye osijè de sa Jezi ye ak rezon ki fè Li vle pou l viv nan kè nou. Timoun yo pral itilize zam ke yo pral konstwi pou pwente sou Verite Jezi a.

Sa ke w ap bezwen

Remèt chak timoun bagay sa yo: De (2) koyè plastik; twa (3) ti banday elastik; kèk ti pens pou kenbe papyè; ak yon kopi nwa e blan oubyen an koulè blan sèlman pou Zam Verite a, limenm ki twouve li nan paj resous la. Yo menm tou y ap bezwen adezif, lakòl, sizo ak plizyè lòt materyèl dekorasyon ankò.



Fason pou nou kreye Zam Verite A!

Pa 1 - Mande timoun yo pou yo mete kiyè yo ansanm.



Pa 2 - Mare manch kiyè yo pandan y ap itilize banday elastik yo.



Pa 3 - Mande pou chak timoun koupe Blan Verite yo a!



Pa 4 - Timoun yo dwe double papyè a sou longè chak liy nwa.



Pa 5 - Itilize adezif oubyen lakòl, mande pou timoun yo pou yo kole de pwent papyè yo nan pati andedan bò kote Jezi ak Verite a.



Fason nou kapab pwente sou verite a!

Yon fwa ke zam nan avèk blan an fin konstwi, montre timoun yo kijan yo kapab pwente sou verite a. Kontinye twa pa senp sa yo.

Pa 1 - Plase zam nan ak blan an de plizyè santimèt distans.



Pa 3 - Itilize yon dwèt nan lòt men an pou lanse pens pou kenbe papyè yo pou pwente sou Blan ak Verite a!



Pa 2 - Mete yon dwèt sou pati enferyè zam nan pou fè rezistans.

JOU 4 - KOLASYON RAPID LA



BYEN VINI NAN KOLASYON RAPID LA

Genyen yon kolasyon fèt pou chak jou, li menm k'ap pèmèt ou ofri timoun yo yon bon manyè pou yo eksperimente lekòl biblik vakans lan. Lide sa yo kapab mande yon seri de preparasyon, men, rezilta efò w' yo ap gen anpil enpòtans pou yo. Anpil fwa, prezidan lekòl biblik yo konn ap obsève ke plas kolasyon an pa dwe pran menm kantite tan ak lòt yo. Si sa rive, melanje li ak kèk lòt sit yo.

Kolasyon Jou 4 - Se imaj mesaje a te fè nan fwi

Kolasyon jounen jodi a fèt pou l enteresan epi bon pou lasante. Non sèlman timoun lekòl ou yo ap renmen imaj fwi sa yo, men tou, y ap kontan pou yo trase pwòp kreyasyon yo.

Engredyan ki sijere yo

Engredyan ki parèt anba yo se sèlman sijesyon. Ou mèt santi w lib pou w kreyatif epi ajoute lòt bagay ki enteresan pou ou kreye Imaj Mesaje an Fwi yo.



MÈCH CHOKOLA



BANNANN RACHE



FRÈZ RACHE



KAWÒT RACHE



BONBON DOUS

EGZANP MESAJE AN FWI YO






JOU 4 - JWÈT KADINAL

Jou 4 - DIREKSYON KADINAL - NÒ

Jou 4 - Nò - Rezon ki fè konpa a kapab ede nou ale nan direksyon ki kòrèk la se paske egwi a toujou pwente sou direksyon nò. Kòm disip Jezi, ou kapab toujou asire w' ke Jezi se nò lavi ou. W ap toujou kapab chèche li pou w jwenn verite a. Tèm jou 4 la se Mesaje Verite a.



Objektif jou a se ede timoun yo aprann ke lè lavi yo ap tonbe nan konfizyon, yo kapab toujou chèche Jezi ak Pawòl li nan Bib la pou jwenn verite a. Lè timoun yo fè Jezi vin nò lavi yo, Li va toujou montre yo vrè direksyon an. Jwèt jodi a ap ede mete aksan sou pwen sa.

Vrè direksyon an-Plase "N" nan konpa a!

Jwèt jodi a ap sèvi pou ede timoun yo osijè de konfyè nan "Vrè Direksyon an". Siksè nan jwèt jodi a ap rive fèt se lè timoun yo aprann koute ak swiv direksyon moun ki kapab ede yo a.

Sa ke w ap bezwen: Jwèt sa ap mande preparasyon. Men sa w ap bezwen.

- * Yon moso papye bristòl oubyen yon mi kote w ap kapab kole yon etikèt.
- * Etikèt konpa ak N nan (reprezante nò).
- * Adezif
- * Banday

Fason nou kapab itilize etikèt la: Etikèt ou a kapab plase sou yon gwo moso papye bristòl oubyen sou yon mi ki gen ase espas. W ap kapab telechaje etikèt konpa ak N nan, oubyen si se konsa w vle li, w ap kapab desine oubyen kreye pwòp etikèt ou yo selon jan w wè l ap pi bon.

Fason pou jwe:

1. Divize timoun yo an ekip de 2 oubyen 3.
2. Chak ekip ap genyen yon tou nan chak jwèt. Mare je yon manm nan ekip la. Manm sa ap resevwa N nan tou. N nan dwe genyen adezif ase pou li kapab kole sou etikèt konpa.
3. Ak vwa sèlman, timoun ki pa gen je mare yo dwe ba li direksyon ki kòrèk pou ede konpayèl yo a rive kole N nan nan plas ki kòrèk la sou etikèt la.
4. Ekip ki genyen N nan plase pi prè pozisyon ki kòrèk la ap chanpyon.



Pyès yo pou "Epengle 'N' sou bousòl la!" jwèt.

JOU 4 - ANTRÈNMAN DISIP



LEKÒL BIBLIK VAKANS MESAJE POU JEZI YO -

ANTRÈNMAN DISIP - ANALIZ JENERAL AK ENFÒMASYON POU LIDÈ ANTRÈNMAN POU MESAJE YO

Nan Matye 28:19, Jezi te di moun k ap swiv li yo konsa, "Ale epi fè disip nan tout nasyon yo". Sa se te yon apèl pou tout moun ki te la nan jou sa a, men tou se pou tout disip Jezi yo jodi a. Kòm lidè ki anchaje plas antrènman disip pou Mesaje Jezi yo, ou genyen lonè pou w reponn ak apèl Jezi pandan w ap ede timoun lekòl biblik vakans yo grandi kòm disip Jezi, pandan y ap vin tounen mesaje Jezi.



Twa premye jou yo nan depatman antrènman disip yo, yo te konsantre sou ede timoun yo swiv, imite ak konfye nan Jezi. Twa etap sa yo enpòtan pou prepare chak timoun pou konvèti yo an disip Jezi. Apati de katriyèm jou a, objektif la ap chanje pou ede chak timoun aksepte wòl yo kòm disip Jezi. Tèm antrènman disip katriyèm jou a se Viv pou Jezi. Lè disip yo viv pou Jezi, lavi yo santre nan Jezi.

Youn nan pi bon fason pou nou ede timoun yo santre yo nan Jezi se nan ede yo kòmanse pratike disiplin espiyèl yo. Yon disiplin espiyèl se nenpòt aktivite ki ede disip la aprann plis osijè de Jezi ak kòman lavi yo dwe reflekte sa ke yo te aprann yo.

Youn nan disiplin espiyèl yo genyen ladan li angajman disip la pou l li Pawòl Bondye chak jou. Baze sou angajman avèk Pawòl la 2016, devlope pa Lekòl Dominikal ak Antrènman disip, ki genyen yon afich familial ladan li. Afich sa te fèt pou ede timoun yo angaje yo avèk Pawòl Bondye. Ankouraje timoun lekòl biblik vakans yo kòmanse viv pou Jezi pandan y ap aksepte defi biblik 13 semèn sa yo.

1. Jwenn referans biblik ki nan lis lekriti ki pote non Angaje avèk Pawòl la



2. Li pawòl la. Pasaj ki gen pou a k premye jou a ki se Sòm 150.

Angaje Avèk Pawòl La Lis Nan Lekriti Yo

SESYON 1 Byenvini Nan Esansyèl Nazareyen Yo
Dimanch, Sòm 150 Lendi, Jan 14:6-7 Madi, Jan 5:24 Mèkredi, 2 Timote 1:3-7 Jedi, Matye 16:13-19 Vandredi, Jan 10:11-18 Samdi, Jak 1:27

3. Jwenn imaj ki asosye ak pasaj biblik la.



4. Chèche epi fè yon wonn alantou imaj ki kache nan afich familial la.



Sòm 150

1. Lwanj pou Seyè a! Lwanj pou Bondye nan tanp ki apa pou li a! Lwanj pou Bondye nan syèl la kote pouvwa li parèt aklè!
2. Lwanj pou li pou bèl bagay li fè yo! Lwanj pou li pou jan li gen anpil anpil fòs!
3. Lwanj pou li ak twonpèt! Lwanj pou li ak gita ak bandjo!
4. Lwanj pou li ak tanbou! Danse pou fè lwanj li! Lwanj pou li ak gita ak vaksen!
5. Lwanj pou li ak senbal ki bay bèl son! Lwanj pou li ak senbal ki fè gwo bri!
6. Se pou tou sa ki gen souf fè lwanj Seyè a! Lwanj pou Seyè a!



JOU 4 - FÈY AKTIVITE ELÈV YO

NON -----

JOU 4 - TEM MESAJE VERITE A

JOU 4 - FOKIS SOU LAPRIYÈ

Chè Jezi,
Mwen kwè ke ou se Pitit Lòm nan.
Tanpri, ede m kwè ke mwen kapab
jwenn verite a nan ou.

JOU 4 - BAZ BIBLIK

Istwa biblik Jou 4 la santre li sou Jezi lè li te geri nonm avèg la. Malgre nonm nan te avèg depi nesans li, anpil moun te doute si Jezi te geri li. Men nonm nan te konnen byen sa ki te pase a, epi li te konnen ke se te verite. Jezi te vini kòm Mesaje Verite a. Pasaj anba a twouve li nan Jan 9:24-25 ak 34-39a.

24 Farizyen yo rele nonm ki te avèg la yon dezyèm fwa. Yo di li: Di verite a devan Bondye! Nou konnen nonm sa a se yon nonm k'ap fè sa ki mal.

25 Li reponn yo: Mwen pa konnen si se yon moun k'ap fè sa ki mal osinon sa ki byen. Yon sèl bagay mwen konnen: mwen te avèg, koulye a mwen wè.

34 Yo reponn li: --Se nan peche ou fèt, epi ou konprann pou ou vin ban nou leson koulye a? Epi yo mete l' deyò nan sinagòg la.

35 Jezi te vin konnen yo te mete nonm ki te avèg la deyò nan sinagòg la. Lè li kontre avè l', li di l' konsa: Eske ou kwè nan Moun Bondye voye nan lachè a?

36 Nonm lan reponn li: Mèt, di m' ki moun li ye pou m' ka kwè nan li?

37 Jezi reponn li: Apa w'ap gade li! Se li menm k'ap pale avè ou la a wi.

38 Nonm nan di: Seyè, mwen kwè. Epi li tonbe ajenou devan Jezi.


39 Lè sa a, Jezi di: Mwen vin sou tè a pou yon jijman: Moun ki avèg yo pral wè.

ORIZONTAL

- 2. Jezi te deklare ke li se Pitit _____.
- 4. Nonm nan di, " _____, Mèt".
- 6. Farizyen yo te panse ke nonm nan te fèt tou _____.

VÈTIKAL

- 1. Di Bondye mési epi di _____.
- 3. Jezi _____ pou moun ki avèg yo kapab wè verite a.
- 5. Mwen te avèg epi kounye a mwen _____.
- 7. Farizyen yo _____ nonm nan nan sinagòg la.
- 8. Jezi te geri yon nonm _____.



JOU 4 - FÈY AKTIVITE ELÈV YO



ANTRÈNMAN DISIP: FÒMASYON POU MESAJE YO

Lè disip yo VIV POU JEZI, lavi yo santre nan Jezi. Youn nan pi bon fason pou nou ede timoun yo santre yo nan Jezi se nan ede yo kòmanse pratike disiplin espiyityèl yo. Yon disiplin espiyityèl se nenpòt aktivite ki ede disip la aprann plis osijè de Jezi ak kòman lavi yo dwe relete sa ke yo te aprann yo.



Youn nan disiplin espiyityèl yo genyen ladan li angajman disip la pou l li Pawòl Bondye chak jou. Baze sou angajman avèk Pawòl la devlope pa Lekòl Dominikal ak Antrènman disip, ki genyen yon afich famiyal ladan li. Afich sa te fèt pou ede timoun yo angaje yo avèk Pawòl Bondye. Resous sa yo kapab disponib nan dènye seksyon gid lidè sa a. W ap kapab telechaje ak repwodwi materyèl sa yo pou timoun yo.

**APRANN VIV POU JEZI
NAN PASE TAN AP LI
PAWÒL BONDYE CHAK JEU!**



JOU 4 - VÈSÈ POU APRANN

Ajoute mo ki manke yo.

**VINI NON, NON TOUT - - - - -
BONDYE YO, - - - - - BYEN, MWEN
PRAL - - - - - NOU TOUT
SA KE LI FÈ POU MWEN.**

Sòm 66:16, NVE

MESAJE POU JEZI

MESAJE



VERITE A

VINI NON, NOU TOUT
PITIT BONDYE YO, KOUTE
BYEN, MWEN PRAL
MONTRE NOU TOUT SA
KE LI FÈ POU MWEN.

Sòm 66:16 NVE



JOU 4

MESAJE VERITE A

JAN 9

JEZI



JOU 4 - TI ISTWA BIBLIK YO



JEZI - JAN 9 - MESAJE VERITE A

Preparasyon pou lidè Istwa Biblik la

Enfòmasyon sa la nan lide pou ede lidè Istwa Biblik la prepare l' pou pataje istwa jounen an avèk timoun yo. Lè timoun yo tande istwa biblik la, yo resevwa plis pase yon istwa; yo tande yon mesaj ki enpòtan pou yo. Li pasaj ak enfòmasyon w ap jwenn aprè yo.

Timoun yo ap viv nan yon tan ki pote anpil konfizyon. Genyen anpil vwa ki deklare ke laverite se yon bagay ki relatif oubyen tousenpleman li pa egziste. Sepandan, Bib la pale klè osijè de verite a, epi li pa janm pi klè pase nan pawòl Jezi yo.

Jan 18:37 NVE – Lè Pilat te pozè Jezi kesyon pou mande li kilès Li te ye ak poukisa lidè relijye jwif yo te kondane li, Jezi te di konsa, "Se pou sa mwen te fèt, epi se poutèt sa mwen vini nan mond lan: pou bay temwayaj de verite a". Akoz de lanmou Jezi pou nou, li pat di anyen ki pat verite. Nan tout pawòl ak aksyon li yo. Jezi te mesaj verite a.

Istwa a – Jezi: Mesaje Verite A – Jan 9

Pèsonaj katriyèm jou a se Jezi. Jezi te espesyal anpil. Jezi te Pitit Bondye a. Jezi te ni Bondye ni lòm. Pat janm genyen ni pap janm genyen yon lòt moun menm jan avèk Li. Lè pèp la te wè Jezi, yo te wè Bondye. Moun te kapab tande Bondye k ap pale lè Jezi te pale. Sa te genyen ladan li mirak gerizon an. Yon mirak se yon bagay sanzatann oubyen ki pa gen abitud fèt, epi nou pa kapab esplike kòman li fè rive.

Li Jan 9:1-7, NVE

Nonm nan te fèt tou avèg. Malgre kwayans komen ki te egziste nan epòk li a, avègman li a se pat rezilta peche li oubyen peche paran li yo. Lè Jezi te geri nonm avèg la, Li te montre ke Bondye pi pwisan pase maladi ak enfimite a.

Li Jan 9:8-12, NVE

Mirak ki te fèt nan istwa sa te tèlman enpresyonan, li te difisil pou anpil moun ki te la kwè ke se te verite. Gerizon yon moun avèg se pa yon bagay ke yo te konn wè avan. Se te yon mirak ki te soti nan men Jezi.

Li Jan 9:13-25, NVE

Mesye sa yo nan istwa ki te pote non farizyen yo se te lidè relijye ki te vrèman entèlijan. Yo te konsidere ke yo te konnen anpil bagay sou Bondye. Men lè Jezi te geri nonm avèg la, lidè sa yo pat kwè ke se te verite. Yo te avèg fas ak verite ke Jezi te fè yon mirak ki soti nan Bondye.

Avan ke Jezi te geri nonm nan, li pat kapab wè avèk zye fizik li yo. Sepandan, nonm ki te geri anba avègman an pat doute osijè de sa ki te pase a. Li te reponn, "Si li se pechè, mwen pa konnen (···) Yon sèl bagay ke mwen konnen, mwen te avèg epi kounye a mwen wè" (Jan 9:25).

Li Jan 9:35-41, NVE

Se pat yon sipriz pou Jezi lè farizyen yo pat kwè istwa nonm avèg la. Farizyen yo te panse ke yo te konnen verite a. Men kòm yo pat kwè ke Jezi te soti nan Bondye epi Li te geri nonm avèg la, se yo menm ki te vrèman avèg.




Jou 4 - Ti Istwa Biblik Yo



Jezi te poze nonm li te geri a yon kesyon: “èske w kwè nan Pitit lòm nan?” Tèm sa, “Pitit lòm nan” se te fason ke Jezi te fè nou konnen ke Li te Bondye epi nan menm tan Li te lòm tou. Li te kwè ke Jezi se te “Pitit lòm nan.”

Kisa nou te aprann nan istwa jodi a?

Di timoun yo - Jezi se Mesaje Verite a. Lè nou tande pawòl Jezi yo oubyen lè nou li Bib la osijè de mirak ke Li te fè yo, nou kapab sèten ke se verite.





JOU 4 - TI VÈSÈ POU APRANN YO



JOU 4 - VÈSÈ POU APRANN - MESAJ NAN KÈ M NAN - SÒM 66:16

Ti Mesaje Pou Jezi – Vèsè Pou Aprann – Mesaj Nan Kè M Nan Analiz Jeneral Ak Enfòmasyon Pou Lidè A Pawòl Bondye a se mesaj Bondye pou disip li yo. Lè pitit Bondye yo gade Pawòl Bondye nan kè yo, memorize pawòl la, yo ranpli kè yo avèk direksyon ak lanmou Bondye a. Yo menm tou yo ranpli kè yo avèk mesaj Bondye a pou yo kapab vin mesaje Bondye devan mond lan.

Jou 4 - Vèsè Pou Aprann - Sòm 66:16

Tèm katriyèm jou lekòl bibliik vakans lan se Mesaje Verite a. Objektif la se anseye timoun yo ke, nan yon mond ki ranpli ak mesaj konfizyon, y ap toujou kapab jwenn verite a nan Jezi. Se sa ki fè moun sa yo ke Jezi rele pou vin mesaje li yo enpòtan konsa. Youn nan gwo fason pou pataje mesaj verite Jezi a se rakonte lòt yo osijè de sa ke Li fè pou nou. Timoun yo pa sèlman dwe kontan pou benediksyon Jezi yo, men tou yo dwe ankouraje pou temwaye de benediksyon sa yo devan lòt yo. Vèsè bibliik jodi a, Sòm 66, ap ede timoun yo santre yo nan pataje sa Jezi te fè pou yo avèk mond lan.

Sòm 66:16 (NVE) – “Vini non, noun menm ki genyen krentif pou Bondye, koute byen, mwen pral rakonte nou sa li fè pou mwen.”

Lè aprantisaj pasaj bibliik yo enteresan, sa ede timoun yo chwazi nesosite pou kenbe Pawòl Bondye nan kè yo. Yon fason pou sa rive reyalize, se nan ajoute aksyon nan dewoulman aprantisaj la. Li vèsè a menm jan ak fraz avèk aksyon yo ansanm ak timoun yo pou ede yo memorize vèsyon rezime sa. Si li bon pou pataje vèsè a nèt avèk timoun ki pi piti w yo pral pèmèt ranfòsman objektif jounen an.

“Vini non” Mande pou timoun yo rele di pawòl sa avèk yon men yo nan chak bò bouch yo, “Se mwen! Se mwen!”

“Koute byen, mwen pral rakonte nou sa li fè pou mwen.”

Lè timoun yo fin resite dènye pati vèsè a, y ap genyen bèl opòtinite pou yo rakonte yon moun sa Bondye te fè pou yo. Pran yon ti tan pou w pèmèt timoun yo panse kijan Bondye beni yo. Esplike yo ke lè yo rakonte lòt yo osijè de benediksyon sa yo, y ap reponn ak apèl Jezi a pou yo vin Mesaje Verite a.



JOU 4 - TI FÈY AKTIVITE ÈLÈV LA YO



NON -----

JOU 4 - TÈM MESAJE VERITE A

JOU 4 - TI MESAJE POU JEZI YO FOKIS SOU LAPRIYÈ

Chè Jezi,
Mwen kwè ke ou se Pitit Lòm nan.
Tanpri, ede m kwè ke mwen kapab
jwenn verite a nan ou.

JOU 4 - BAZ BIBLIK

Istwa biblik Jou 4 la santre li sou Jezi lè li te geri nonm avèg la. Malgre nonm nan te avèg depi nesans li, anpil moun te doute si Jezi te geri li. Men nonm nan te konnen byen sa ki te pase a, epi li te konnen ke se te verite. Jezi te vini kòm Mesaje Verite a. Pasaj anba a twouve li nan Jan 9:24-25 ak 34-38.

24 Farizyen yo rele nonm ki te avèg la yon dezyèm fwa. Yo di li: --Di verite a devan Bondye! Nou konnen nonm sa a se yon nonm k'ap fè sa ki mal.

25 --Mwen pa konnen si se yon moun k'ap fè sa ki mal osinon sa ki byen. --Yon sèl bagay mwen konnen: mwen te avèg, koulye a mwen wè.

34 Yo reponn li: --Se nan peche ou fèt, epi ou konprann pou ou vin ban nou leson koulye a? Epi yo mete l' deyò nan sinagòg la.

35 Jezi te vin konnen yo te mete nonm ki te avèg la deyò nan sinagòg la. Lè li kontre avè l', li di l' konsa: --Eske ou kwè nan Moun Bondye voye nan lachè a?

36 Nonm lan reponn li: --Mèt, di m' ki moun li ye pou m' ka kwè nan li?

37 Jezi reponn li: --Apa w'ap gade li! Se li menm k'ap pale avè ou la a wi.

38 Nonm nan di: --Seyè, mwen kwè. Epi li tonbe ajenou devan Jezi.

39 Lè sa a, Jezi di: --Mwen vin sou tè a pou yon jijman: Moun ki avèg yo pral wè. Men moun ki wè yo pral tounen avèg.

Nan soup lèt ke nou pral wè anba gen plizyè mo ki soti nan pasaj biblik la. Jwenn chak mo epi fè yon wonn alantou yo.

P	Z	U	M	N	E	R	T	B	Q
Y	K	X	È	B	Q	M	Z	A	T
O	I	O	T	O	R	W	T	H	L
L	È	Y	A	M	W	E	N	W	È
H	L	R	I	W	T	N	O	A	E
A	V	È	G	A	S	K	S	B	I
F	E	K	N	K	O	W	L	È	T
J	D	E	I	È	N	È	N	A	M
B	N	D	A	J	E	Z	I	S	Z

LIS MO YO
MWEN KWÈ
AVÈG
JEZI
MWEN WÈ
MÈT



ANTRÈNMAN DISIP: FÒMASYON POU MESAJE YO

Lè disip yo **VIV POU JEZI**, lavi yo santre nan Jezi. Youn nan pi bon fason pou nou ede timoun yo santre yo nan Jezi se nan ede yo kòmanse pratike disiplin espiyityèl yo. Yon disiplin espiyityèl se nenpòt aktivite ki ede disip la aprann plis osijè de Jezi ak kòman lavi yo dwe reflete sa ke yo te aprann yo.



Youn nan disiplin espiyityèl yo genyen ladan li angajman disip la pou l li Pawòl Bondye chak jou. Baze sou angajman avèk Pawòl la, devlope pa Lekòl Dominikal ak Antrènman disip, ki genyen yon afich famiyal ladan li. Afich sa te fèt pou ede timoun yo angaje yo avèk Pawòl Bondye. Resous sa yo kapab disponib nan dènnye seksyon gid lidè sa a. W ap kapab telechaje ak repwodwi materyèl sa yo pou timoun yo.

APRANN VIV POU JEZI NAN PASE TAN AP LI PAWÒL BONDYE CHAK JOU!



JOU 4 - VÈSÈ POU APRANN

Ajoute mo ki manke yo.

**VINI NON, NON TOUT - - - - -
BONDYE YO, - - - - - BYEN, MWEN
PRAL - - - - - NOU TOUT
SA KE LI FÈ POU MWEN.**

Sòm 66:16, NVE